



GRÜNDLICH ABVERHEITER GEBÄUDEAUSWEIS



Bewertung

sehr energieeffizient

Effizienz
Gebäudehülle

Effizienz
Gesamtenergie

A

B

C

D

E

F


G

G

A

A

wenig energieeffizient



Uustieg mit Sonne, Wind und Doris



I ligge gärn ar Sonne. Die git mir Energie.
Dr Ranze a dr Wermi das füllt mini Batterie!
Und ig, i tue gärn bloose: Bi Blooso vo Geburt.
Wenn ig is Windrad bloose, macht dr Stromzähler e Spurt!
So chrampfe mir für s Doris. Tag-us und au tag-ii.
Für d Energie-Wändi, die muess jetz eifach si, will

Refr. I ---- love lady Gaga!
I ---- love Ökostrom!
I ---- love Wind änd Sunshine!
(2.) Geothermy
(3.) Gas und Chole
Iiii wott nümm Atom!

I bi chürzlech go bisle, ha fasch e Schüssle gschaft.
Die tue n i turbinere. De gsehsch mi Wasserchraft.
Und ig, i tue gärn winde. Mis Biogas isch toff!
Mi Fründ ir Fuchsehöhl, dä seit gäng: „Loh grad off!“
So chrampfe mir für s Doris. Tag-us und au tag-ii.
Für d Energie-Wändi, die muess jetz eifach si, will

Refr. Mir tüe au Strom iispare und hei Sparlampe gchauft.
Dört heisst s uf dr Verpackig, dass die drü Jahr lang lauft.
Nach zäh Tag het si knischtret und knackt im Fundamänt.
Sit denne brönnst si nümme – i spare hundert Prozant !!
So liide mir für s Doris, schlofe znacht mit Cherzli i.
Für d Energie-Wändi, die muess jetz eifach si, will

Refr.

Vergangen, vergessen, vorbei

S isch scho veruckt, dass d Dinosaurier usgschtorbe si!
Dr Yeti! Dr Neandertaler! Wo si si ächt hi?
Wildesle, Säbelzahn-Tiger, schad, mit Euch isch Schluss.
S Mammut isch verschwunde, glich wie dr Australopithecus.
D Kavallerie gits nümme und au d Bierross si passé.
D Trampeltier si am Usstärbe, d Flädermüüs si dezimiert und gli, jo schrecklech gli, dir wärdets gseh,
Gits au keini Stadthostesse meh. Gli gits keini Stadthostesse meh!



Griecheland grettet!

Chli Gäld! Chli Gäld! Gimmer chli Gäld! Gimmer chli Gäld!
Mi quält ...nume chli Gäld ...wo fählt ...dasch was mir hindre strählt ...mir hei eifach ke Gäld.
Kredit! Kredit! Das isch dr Hit! Es git
Kredit ...i chaufe alls ...wo s git ...zahle tüe mir de nid ...gäht üs nume Kredit.
Do chli pumpe, dört chli pumpe, do chli pumpe, dört chli pumpe
Vorne pumpe, hinde pumpe, obe pumpe, unde pumpe
Vatter pumpe, Muetter pumpe, Brueder pumpe, Schwöschter pumpe
Tante pumpe, Unggle pumpe, Nichte pumpe, Neffe pumpe
Nochber pumpe, Milchma pumpe, Lehrer pumpe, Pfarrer pumpe
Fründ apumpe, Scheff apumpe, Gschäft apumpe, Bank apumpe
Bank tuet bir Regierig pumpe, Papademos Euro pumpe
Euro pumpe, Euro pumpe. Lueg do chunnt d Frau Merkel z gumpen:
„Nümme pumpe!, nümme pumpe! Umezahle! Mir verlumpe!
Was verlumpe? Wie verlumpe? Wo de härnäh ohni z pumpe?!
Umezahle? Umezahle? – Sprung ir Schüssle! Gli si Wahle!
Pump i vom Italia-Monti, het dä nüt meh uf de Konti.
Spanie chasch au nid apumpe, die si sälber am Verlumpe.
Seit dr Opa zu sim Grosi: Chum mir pumpe vom Sarkozy.
Nei, dä tuet ke Stütz me biete. Chasch nur s Carla Bruni miete.
Pumpsch vom Morge früh bis zobe? So ne Pumpi hei nur d Schwobe:
Angela, mi liebschti Pumpi, bi dir pump i, bi dir pump i!
Stop! Do pumpe d Portugiese! Mir hei vil die grösser Krise!
Quatsch, tüet nid blöd ume quake! D Pumpi do gehört üs Sloake!
Bullshit! We pump! Tüet nid liire! S gröschte Loch hei gäng mir Ire!
Statt uf üsi Pumpi z gaffe, sölle d Grieche afo schaffe!
Schaffe? Nei, das wär jo gschtört! Dä Vorschlag isch jo unerhört!
Unmoralisch! Si mir z China?! Suuffe grad no e Retsina!
Georgios, füll mir d Karaffe. Mir chöi no meh Stütz beschaffe:
Ha d Idee, die muesch vergulde: Mir verchaupe üsi Schulde!

Vergiss dä Schuldehuuffe! S hilft nur no Ouzo suuffe.
Öb Demokrat, öb JUSO, mir suffe alli Ouzo, wie z Honolulu d Guso!
Lauf au kei Gäld zum Sack i, friss i glich es Souflaki
I lose Georges Moustaki und tanze ne Sirtaki, und uf e Euro kack i!
Bi Ouzo, Nemea, Retsina und Olive, tüe mir uf d Ratingfirma und uf d Banke pfiiffe!
Statt uf Kredite us de Titte vo dr Merkel, freu i mi uf Tsatsiki, Feta und Spanferkel.
Dr Papadopoulos und au dr Papandreu, die säge „Läck mer, läck mer, läck mer, läck mer EU!“

zur Leinenstube

ussergewöhnlich und abwechslungsreich
s'isch kunterbunt, s'fägt, s'passt, s'isch Fasnacht!
si □ 5 □ 11 oder □ 13 Chüssi uf em Bett?
Mach mit! Bis am Äschermittwoch 22.2.2012, 12:12!
Gewinn a der Verlosig 1 Garnitur vom Bett, Fr. 179.00 bis 419.00
Name..... Adresse.....
Abgä: zur Leinenstube, Marktplatz 47, 4500 Solothurn

WÄLCHLI METZG
IM HERZEN VON SOLOTHURN
Friedhofgasse 9 • 4500 Solothurn
Telefon 032 622 32 93 • www.wälchli-metzg.ch
IHR SPEZIALIST MIT HAUS- UND PARTYSERVICE


HOFER
Goldschmied im Roten Turm
CH-4502 Solothurn
Eigenes Atelier



Au wes schön isch oder nass
s'passt üs ar St. Urbanquass

Wohnhandwerk
gysin leder





Vom Rede und vom Schnorre

Rede cha fasch jede, aber Schnorre, das isch Kunscht.

Wenn redsch wie dr Kurt Fluri, bisch en arme Siech ir Wählergusch

Üse Schnorri schnorret immer, überall, zu jeder Sach.

Wenn är mol fertig gschnorret het, denn lit dr Gägner flach.

Wenn meh als zwee Stund losisch, de hei dini Närke Lüüs.

Är schnorrt uf Funk und Färnseh, und jetz au no do bi üs!

Är schnorret vil – zvil aber gäng mit Stil, es isch satanisch,
Gisch ihm es Glesli Riiswii, schnorrt är prompt au no japanisch.

Är schnorret vil – zvil aber gäng mit Stil, är isch e Riisser,

Ganz egal öb ir Arena oder bi üs Stedtlischiiisser:

Mänhätten oder nöd, jo Mänhätten oder nöd! Es gieng bestimmt au ohni, aber mir si jo nid blöd!

Mänhätten oder nöd, jo Mänhätten oder nöd! Mir singe mit em Schrecke vo der Schwizer Ständeröt!

Är schnorret au im Zischtigsclub, är schnorrt im zäh vor zäh.

Wenn wottsch, dass är nüm schnorret, muesch ihm s Mikrofon wägnäh.

Dr Blocher loht d Arena froge: „Isch dr Pirmin do?

Wenn jo, bin i im Usland, i weiss nume noni wo!“

Är schnorret zu Atomkraft, Chrankekasse, Bankekrise:

Öb Grossbank, Staatsbank, Schnitzelbank – är git en Expertise!

Är schnorret vil – zvil aber gäng mit Stil, do chasch nur glotze.

Wenn nid dr gliiche Meinig bisch, denn isch es scho ... chli hert!

Är schnorret vil – zvil aber gäng mit Stil, är isch e Riisser,

Ganz egal öb ir Arena oder bi üs Stedtlischiiisser:

Mänhätten oder nöd, jo Mänhätten oder nöd! Es gieng bestimmt au ohni, aber mir si jo nid blöd!

Mänhätten oder nöd, jo Mänhätten oder nöd! Mir singe mit em Schrecke vo der Schwizer Ständeröt!

Z Gränche lande?

Z Gränche gits e tolle Flugplatz, wo bekannt isch für si Reiz.

Doppeldecker, Segelflüger, grossi Hangar und e Beiz.

Doch dä Flugplatz weiss nüm witer, will Problem am Meter warte

Denn mit nöie Düseflüger chasch zwar lande, doch nüm starte.

Dasch wil d Pischte nämlech z churz isch. Dr Pilot chunnt denn in Nöte.

Denn bim Starte goht e Düsejet drum ab wie ne Rageete.

Wenn d Pischte z churz isch, längts bim Starte nid zum d Düse ufetriibe.

Doch wär landet, möcht au starte. Denn wär wott scho z Gränche bliibe?

Die gschidschte Gränchner hei berote mit Computer und mit Charte,

Wie me uf däm Flugplatz nach em Lande wieder chönnti starte.

D Gränchner hei erlickt mit Scharfsinn wie bi üs vor Jhr dr Wängi:

Wenn e Pischte würklech z churz sig, de fähls meischtens a dr Längi.

Dass me d Pischte muess verlengere, do isch me sech gli enig.

Doch verlengere wo häre? Jo do teilt sech jetze d Meinig.

S muess nach Oschte, nei nach Weschte, s muess nach vorne, nei nach hinge.

Und si mööge und si schreie und si näh sech a de Gringe.

Die wo südwärts richtig Sunne wei verlengere, si Laie,

Will dr Flugplatz sich mit allem müessti 90 Grad umedräje.

Nordwärts würd dr Fluglärm zugg go, ir Umgäbig d Ruei würd stiige:

He jo, wil d Flüüger wo i Jura brätsche nümme witer flüüge.

Gäge d Oschtverlengrig tüe si z Altreu jetz scho mödrisch hetze.

Und gäg Weschte Richtig Biel, do würd d Bärner d Gränze bsetze.

Wie die Pischte dört muesch baue, chunnt doch klar us allem füre:

Öppe zwee drei Kilometer breit – und quer dur Gränche düre!

Amis machen Druck

S het alles jo eigentlich harmlos aagfange

Dä iigschribnig Brief vo Washington DC.

Me täg mit em Aalige, please, a üs glange,

Öb mir nid chli kooperativ chönnte si.

Denn d USA wette bigoscht nid risggiere

Dass bilateral das zu Lämpe chönnt füere.

Zwee Monet spöoter am viertel ab vieri

Het dr US Botschafter z Bärn interveniert.

Wil d Schwiz so ne Provokation tolerieri,

Sig däne dr President ganz konsterniert.

Wenn mir i der Sach nid sofort öppis tüe,

Täg Amerika anderi Saite ufzieh.

Und prompt beschliesst d Uno e Resolution

Gäg d Schwiz mit me wältwite Lieferverbot

Für Öl und für Schruube für Weize und Thon.

Honduras verhängt e Bananeboykott.

Me lueg, dass is Land keini Ware meh dörfe

Und nach 24 Stund täg me d Massnahm verscherfe.

Frankriich und Dütschland hei mobilisiert.

Wenn d Schwiz so ufrüscht, sig dr Friede in Gfohr

I Nachtmärsch em Rhi zue voll tärned marschiert

S Tiroler Gebirgsschürzejegerfäldkorps.

D NATO schickt Panzer a d Aare und d Rhone.

OK – De zieh mer se halt ab vom Chrumm Turm die Kanone.